

প্রাথমিক বিদ্যালয় গোল্ডকাপ ফুটবল টুর্নামেন্ট (বালক-বালিকা) নীতিমালা ২০২৬

১. ভূমিকা:

সরকারি প্রাথমিক বিদ্যালয়ের শিক্ষার্থীদের লেখাপড়ার পাশাপাশি খেলাধুলার মাধ্যমে তাদের শারীরিক, মানসিক ও নান্দনিক বিকাশ, প্রতিযোগিতার মাধ্যমে শিক্ষার্থীদের সহিষ্ণুতা ও মনোবল বৃদ্ধিসহ প্রতিযোগী মনোভাব গড়ে তোলার উদ্দেশ্যে প্রতিবছর ইউনিয়ন ও পৌরসভা, উপজেলা/সিটি কর্পোরেশন এলাকাধীন থানা, বিভাগ এবং জাতীয় পর্যায়ে “প্রাথমিক বিদ্যালয় গোল্ডকাপ ফুটবল টুর্নামেন্ট (বালক ও বালিকা)” আয়োজন ও পরিচালনার জন্য নীতিমালা ২০২৬ এ প্রণয়ন করা হলো।

২. শিরোনাম:

এ নীতিমালা “প্রাথমিক বিদ্যালয় গোল্ডকাপ ফুটবল টুর্নামেন্ট (বালক ও বালিকা)” ২০২৬ নামে অভিহিত হবে। এ নীতিমালার আলোকে “প্রাথমিক বিদ্যালয় গোল্ডকাপ ফুটবল টুর্নামেন্ট (বালক ও বালিকা) এর সকল পর্যায়ের খেলা আয়োজন ও পরিচালিত হবে।

২.২ সংজ্ঞা: সরকারি প্রাথমিক বিদ্যালয়, পরীক্ষণ বিদ্যালয় এবং শিশু কল্যাণ প্রাথমিক বিদ্যালয়কে বুঝাবে।

৩. প্রতিযোগিতার ধরন ও পর্যায়: এ প্রতিযোগিতা ৫টি পর্যায়ে অনুষ্ঠিত হবে। যথা:

৩.১ (ক) ইউনিয়ন ও পৌরসভা **(খ)** উপজেলা/সিটি কর্পোরেশন এলাকাধীন থানা **(গ)** জেলা **(ঘ)** বিভাগ এবং **(ঙ)** জাতীয় পর্যায়ে;

৩.২ ইউনিয়ন ও পৌরসভা পর্যায়ের সকল প্রাথমিক বিদ্যালয়ের অংশগ্রহণ বাধ্যতামূলক। বিদ্যালয়ভিত্তিক প্রতিযোগিতা অনুষ্ঠিত হবে। ইউনিয়ন ও পৌরসভা পর্যায়ে চ্যাম্পিয়ন দল উপজেলা/থানা (সিটি কর্পোরেশনের এলাকাধীন) পর্যায়ে উপজেলা/থানা (সিটি কর্পোরেশনের এলাকাধীন) পর্যায়ে চ্যাম্পিয়ন দল জেলা পর্যায়ে, জেলা পর্যায়ে চ্যাম্পিয়ন দল বিভাগীয় পর্যায়ে এবং বিভাগীয় পর্যায়ে চ্যাম্পিয়ন দল জাতীয় পর্যায়ের প্রতিযোগিতায় অংশগ্রহণ করবে।

৪. খেলার মাঠ:

৪.১ খেলার মাঠের আয়তন: দৈর্ঘ্য ৬০ মিটার এবং প্রস্থ ৪৫ মিটার হবে;

৪.২ ইউনিয়ন পর্যায়ে প্রয়োজনীয় ক্ষেত্রে দৈর্ঘ্য ও প্রস্থের অনুপাত ঠিক রেখে টুর্নামেন্ট কমিটি কর্তৃক নিজ এলাকার খেলার মাঠ নির্ধারণ করা যাবে;

৪.৩ মাঠের আয়তন অনুযায়ী গোল বার, গোল পোস্ট এবং পেনাল্টি এলাকা নির্ধারিত হবে।

৫. অংশগ্রহণকারী দল :

৫.১ প্রাথমিক বিদ্যালয়ভিত্তিক প্রতিটি দল গঠিত হবে। নিম্নবর্ণিত বিদ্যালয়ে অধ্যয়নরত ছাত্রদের দ্বারা গঠিত দল এ প্রতিযোগিতায় অংশগ্রহণ করতে পারবে:

- ক) সরকারি প্রাথমিক বিদ্যালয়;
- খ) পরীক্ষণ বিদ্যালয়;
- গ) শিশু কল্যাণ প্রাথমিক বিদ্যালয়।

৫.২ এ প্রতিযোগিতায় অংশগ্রহণের জন্য কোনো এন্ট্রি/রেজিস্ট্রেশন ফি প্রদান করতে হবে না।

৬. টুর্নামেন্ট কমিটিসমূহ:

“প্রাথমিক বিদ্যালয় গোল্ডকাপ ফুটবল টুর্নামেন্ট (বালক ও বালিকা) এর খেলা সুষ্ঠুভাবে আয়োজন ও পরিচালনার জন্য ইউনিয়ন ও পৌরসভা, উপজেলা/ থানা (সিটি কর্পোরেশন এলাকাধীন), জেলা, বিভাগ এবং জাতীয় পর্যায়ে নিম্নরূপ টুর্নামেন্ট কমিটিসমূহ গঠিত হবে।

৬.১ জাতীয় কমিটি: (জ্যেষ্ঠতার ক্রমানুসারে নয়)

১.	মাননীয় উপদেষ্টা/ মন্ত্রী, প্রাথমিক ও গণশিক্ষা মন্ত্রণালয়	-প্রধান উপদেষ্টা
২.	মাননীয় প্রতিমন্ত্রী, প্রাথমিক ও গণশিক্ষা মন্ত্রণালয়	-উপদেষ্টা
৩.	সচিব, প্রাথমিক ও গণশিক্ষা মন্ত্রণালয় -	-সভাপতি
৪.	অতিরিক্ত সচিব, প্রাথমিক ও গণশিক্ষা মন্ত্রণালয়	- সদস্য
৫.	বিভাগীয় কমিশনার, ঢাকা	- সদস্য
৬.	মহাপরিচালক, প্রাথমিক শিক্ষা অধিদপ্তর	- সদস্য
৭.	মহাপরিচালক, মাধ্যমিক ও উচ্চশিক্ষা অধিদপ্তর	- সদস্য
৮.	মহাপরিচালক (সিপিআইএমইউ)	- সদস্য
৯.	মহাপরিচালক, কারিগরি শিক্ষা অধিদপ্তর	- সদস্য
১০.	যুগ্মসচিব (প্রশাসন), প্রাথমিক ও গণশিক্ষা	- সদস্য
১১.	যুগ্মসচিব (উন্নয়ন), প্রাথমিক ও গণশিক্ষা মন্ত্রণালয়	- সদস্য
১২.	প্রধান নির্বাহী কর্মকর্তা, ঢাকা সিটি করপোরেশন	- সদস্য
১৩.	মহা-পুলিশ পরিদর্শকের প্রতিনিধি (এআইজিপি-এর নীচে নয়)	- সদস্য
১৪.	যুব ও ক্রীড়া মন্ত্রণালয়ের প্রতিনিধি (উপসচিব-এর নীচে নয়)	- সদস্য
১৫.	শিক্ষা মন্ত্রণালয়ের প্রতিনিধি (উপসচিব-এর নীচে নয়)	- সদস্য
১৬.	স্বরাষ্ট্র মন্ত্রণালয়ের প্রতিনিধি (উপসচিব-এর নীচে নয়)	- সদস্য
১৭.	গৃহায়ন ও গণপূর্ত মন্ত্রণালয়ের প্রতিনিধি (উপসচিব-এর নীচে নয়)	- সদস্য
১৮.	তথ্য মন্ত্রণালয়ের প্রতিনিধি (উপসচিব-এর নীচে নয়)	- সদস্য
১৯.	স্বাস্থ্য ও পরিবার কল্যাণ মন্ত্রণালয়ের প্রতিনিধি (উপসচিবএর নীচেনয়)	- সদস্য
২০.	স্থানীয় সরকার বিভাগের প্রতিনিধি (উপসচিব এর নীচে নয়)	- সদস্য
২১.	মহিলা ও শিশু বিষয়ক মন্ত্রণালয়ের প্রতিনিধি (উপসচিব-এর নীচে নয়)	- সদস্য
২২.	অর্থ বিভাগ, অর্থ মন্ত্রণালয়ের প্রতিনিধি (উপসচিব-এর নীচে নয়)	- সদস্য
২৩.	পরিচালক (প্রশাসন), প্রাথমিক শিক্ষা অধিদপ্তর	- সদস্য
২৪.	চেয়ারম্যান, বাংলাদেশ মাদ্রাসা শিক্ষা বোর্ড	- সদস্য
২৫.	মহাপরিচালক, ইসলামিক ফাউন্ডেশন	- সদস্য
২৬.	জেলা প্রশাসক, ঢাকা	- সদস্য
২৭.	কেন্দ্রীয় মুক্তিযোদ্ধা কমান্ড কাউন্সিল এর প্রতিনিধি	- সদস্য
২৮.	বাংলাদেশ ফুটবল ফেডারেশন এর প্রতিনিধি	- সদস্য
২৯.	বাংলাদেশ স্কাউটস এর প্রতিনিধি (প্রধান জাতীয় কমিশনার কর্তৃক মনোনীত)	- সদস্য
৩০.	জাতীয় মহিলা ক্রীড়া সংস্থার প্রতিনিধি	- সদস্য
৩১.	পরিচালক, শারীরিক শিক্ষা কেন্দ্র, ঢাকা বিশ্ববিদ্যালয়	- সদস্য
৩২.	বাংলাদেশ গার্লস গাইডের প্রতিনিধি	- সদস্য
৩৩.	উপসচিব (বিদ্যালয়), প্রাথমিক ও গণশিক্ষা মন্ত্রণালয়	- সদস্য সচিব

৬.২ জাতীয় কমিটির কার্যপরিধি:

৬.২.১ খেলা পরিচালনার নিয়মাবলি প্রণয়ন ও যাবতীয় দিক নির্দেশনা প্রদান এবং প্রতিযোগিতার তারিখ ও সময় নির্ধারণ;

৬.২.২ গোল্ডকাপ এর ডিজাইন চূড়ান্তকরণ ও প্রস্তুতকরণ এবং অন্যান্য পুরস্কার নির্ধারণ;

৬.২.৩ টুর্নামেন্ট সংক্রান্ত বাজেট অনুমোদন;

৬.২.৪ বিভাগীয় পর্যায়ে চ্যাম্পিয়ন বিদ্যালয় দলসমূহের অংশগ্রহণে জাতীয় প্রতিযোগিতা পরিচালনা ও এতৎসংক্রান্ত যাবতীয় কার্য সম্পাদন;

৬.২.৫ খেলা পরিচালনার ক্ষেত্রে চূড়ান্ত সিদ্ধান্ত গ্রহণ;

৬.২.৬ কমিটি প্রয়োজনবোধে সদস্য কো-অপ্ট করতে পারবে।

৬.৩ বিভাগীয় কমিটি : (জ্যেষ্ঠতার ক্রমানুসারে নয়)

১.	বিভাগীয় কমিশনার	-সভাপতি
২.	ডিআইজি	-সদস্য
৩.	মেট্রোপলিটন পুলিশ কমিশনার	-সদস্য
৪.	জেলা প্রশাসক (সকল)	-সদস্য
৫.	উপপরিচালক, স্বাস্থ্য বিভাগ	-সদস্য
৬.	উপপরিচালক (মাধ্যমিক শিক্ষা)	-সদস্য
৭.	বিভাগীয় ক্রীড়া সংস্থার সাধারণ সম্পাদক	-সদস্য
৮.	বিভাগীয় সদরের জেলা ক্রীড়া সংস্থার সম্পাদক	-সদস্য
৯.	বিভাগীয় সদরের জেলা প্রাথমিক শিক্ষা অফিসার	-সদস্য
১০.	বিভাগীয় সদরের জেলা ক্রীড়া কর্মকর্তা	-সদস্য
১১.	উপপরিচালক, ফায়ার সার্ভিস এন্ড সিভিল ডিফেন্স	-সদস্য
১২.	সিটি করপোরেশন/ পৌরসভার প্রতিনিধি (মেয়র/বিভাগীয় কমিশনার কর্তৃক মনোনীত)	-সদস্য
১৩.	মুক্তিযোদ্ধা কমান্ড কাউন্সিল এর প্রতিনিধি	-সদস্য
১৪.	ক্রীড়া অনুরাগী ব্যক্তি ০২ জন (সভাপতি কর্তৃক মনোনীত)	-সদস্য
১৫.	বাংলাদেশ স্কাউটস এর প্রতিনিধি (সভাপতি কর্তৃক মনোনীত)	-সদস্য
১৬.	বিভাগীয় উপপরিচালক, প্রাথমিক শিক্ষা	-সদস্য সচিব

৬.৪ বিভাগীয় কমিটির কার্যপরিধি:

৬.৪.১ বিভাগীয় পর্যায়ে সকল খেলার সুষ্ঠু আয়োজন ও পরিচালনা, আইন-শৃঙ্খলা বজায় রাখা এবং এতৎসংক্রান্ত যাবতীয় কার্যসম্পাদন;

৬.৪.২ কমিটি প্রয়োজনবোধে সদস্য কো-অপ্ট করতে পারবে।

৬.৫ জেলা কমিটি: (জ্যেষ্ঠতার ক্রমানুসারে নয়)

১.	জাতীয় সংসদ সদস্যবৃন্দ	-উপদেষ্টা
২.	জেলা প্রশাসক	-সভাপতি
৩.	পুলিশ সুপার	-সদস্য
৪.	অতিরিক্ত জেলা প্রশাসক (শি.উ./সা.)	-সদস্য
৫.	সিভিল সার্জন	-সদস্য
৬.	উপজেলা নির্বাহী অফিসার (সকল)	-সদস্য
৭.	জেলা শিক্ষা কর্মকর্তা	-সদস্য
৮.	সুপারিনটেনডেন্ট (পিটিআই)	-সদস্য
৯.	জেলা ক্রীড়া কর্মকর্তা	-সদস্য
১০.	সহকারী পরিচালক/ উপসহকারী পরিচালক, ফায়ার সার্ভিস এন্ড সিভিল ডিফেন্স	-সদস্য
১১.	জেলা ক্রীড়া সংস্থার সাধারণ সম্পাদক	-সদস্য
১২.	জেলা স্কাউটস এর সাধারণ সম্পাদক	-সদস্য
১৩.	কমান্ডার, জেলা মুক্তিযোদ্ধা কমান্ড কাউন্সিল	-সদস্য
১৪.	সভাপতি, জেলা প্রেস ক্লাব	-সদস্য
১৫.	সভাপতি, জেলা ফুটবল এসোসিয়েশন	-সদস্য
১৬.	ক্রীড়া শিক্ষক (সভাপতি কর্তৃক মনোনীত)	-সদস্য
১৭.	ক্রীড়া অনুরাগী ব্যক্তি ০২ জন (সভাপতি কর্তৃক মনোনীত)	-সদস্য
১৮.	সদর উপজেলার মডেল সপ্রাবি-র প্রধান শিক্ষক	-সদস্য
১৯.	জেলা প্রাথমিক শিক্ষা অফিসার	-সদস্য সচিব

৬.৬ জেলা কমিটির কার্যপরিধি:

৬.৬.১ জেলা পর্যায়ের সকল খেলা সুষ্ঠুভাবে আয়োজন ও পরিচালনা করা এবং এতৎসংক্রান্ত যাবতীয় কার্যসম্পাদন;

৬.৬.২ কমিটি প্রয়োজনবোধে সদস্য কো-অপ্ট করতে পারবে।

৬.৭ উপজেলা কমিটি: (জ্যেষ্ঠতার ক্রমানুসারে নয়)

১.	জাতীয় সংসদ সদস্য	প্রধান উপদেষ্টা
২.	উপজেলা পরিষদ চেয়ারম্যান	-উপদেষ্টা
৩.	মেয়র পৌরসভা	-উপদেষ্টা
৪.	উপজেলা নির্বাহী অফিসার	-সভাপতি
৫.	ভাইস চেয়ারম্যান, উপজেলা পরিষদ	-সদস্য
৬.	উপজেলা স্বাস্থ্য ও পরিবার পরিকল্পনা কর্মকর্তা	-সদস্য
৭.	উপজেলা কৃষি কর্মকর্তা	-সদস্য
৮.	সহকারী কমিশনার (ভূমি)	-সদস্য
৯.	থানার অফিসার ইন চার্জ	-সদস্য
১০.	ইউনিয়ন পরিষদ চেয়ারম্যান (সকল)	-সদস্য
১১.	ইন্সট্রাক্টর, ইউপিইটিসি	-সদস্য
১২.	উপজেলা মাধ্যমিক শিক্ষা কর্মকর্তা	-সদস্য
১৩.	উপজেলা ফায়ার সার্ভিস এন্ড সিভিল ডিফেন্স এর প্রতিনিধি	-সদস্য
১৪.	সহকারী উপজেলা প্রাথমিক শিক্ষা অফিসার (সকল)	-সদস্য
১৫.	উপজেলা ক্রীড়া সংস্থার সাধারণ সম্পাদক	-সদস্য
১৬.	উপজেলা সদরের উচ্চ বিদ্যালয়ের প্রধান শিক্ষক (সভাপতি কর্তৃক মনোনীত)	-সদস্য
১৭.	প্রধান শিক্ষক, মডেল সরকারি প্রাথমিক বিদ্যালয়	-সদস্য
১৮.	ক্রীড়া শিক্ষক (সভাপতি কর্তৃক মনোনীত একজন)	-সদস্য
১৯.	সাধারণ সম্পাদক, উপজেলা স্কাউট সদস্য	-সদস্য
২০.	কমান্ডার, উপজেলা মুক্তিযোদ্ধা কমান্ড কাউন্সিল	-সদস্য
২১.	ক্রীড়ানুরাগী ২ জন (সভাপতি কর্তৃক মনোনীত)	-সদস্য
২২.	উপজেলা প্রাথমিক শিক্ষা অফিসার	- সদস্য সচিব

৬.৮ উপজেলা কমিটির কার্যপরিধি:

৬.৮.১ উপজেলা পর্যায়ের সকল খেলা সুষ্ঠুভাবে আয়োজন ও পরিচালনা করা এবং এতদসংক্রান্ত যাবতীয় কার্যসম্পাদন;

৬.৮.২ কমিটি প্রয়োজনবোধে সদস্য কো-অপ্ট করতে পারবে।

৬.৯ সিটি করপোরেশন এলাকাধীন থানাসমূহের জন্য কমিটি : (জ্যেষ্ঠতার ক্রমানুসারে নয়)

১.	অতিরিক্ত জেলা প্রশাসক (শি.উ./সা.)	-সভাপতি
২.	থানা প্রাথমিক শিক্ষা কর্মকর্তা (সকল)	-সদস্য
৩.	মেডিকেল অফিসার (সিভিল সার্জন কর্তৃক মনোনীত)	-সদস্য
৪.	থানার অফিসার ইন চার্জ	-সদস্য
৫.	ইন্সট্রাক্টর, থানা প্রাথমিক শিক্ষা ট্রেনিং সেন্টার (সকল)	-সদস্য
৬.	সহকারী থানা প্রাথমিক শিক্ষা কর্মকর্তা (সকল)	-সদস্য
৭.	প্রধান শিক্ষক (প্রতি থানা থেকে ০১ জন)	-সদস্য
৮.	কমান্ডার, থানা মুক্তিযোদ্ধা কমান্ড কাউন্সিল	-সদস্য
৯.	ক্রীড়া শিক্ষক ২ (দুই) জন (সভাপতি কর্তৃক মনোনীত)	-সদস্য
১০.	বাংলাদেশ স্কাউটস এর প্রতিনিধি ০১ (এক) জন (জেলা প্রশাসক কর্তৃক মনোনীত)	-সদস্য
১১.	জেলা প্রাথমিক শিক্ষা কর্মকর্তা	-সদস্য সচিব

৬.১০ কমিটির কার্যপরিধি:

৬.১০.১ সিটি করপোরেশন এলাকাধীন থানা পর্যায়ের সকল খেলা সুষ্ঠুভাবে আয়োজন ও পরিচালনা করা এবং এতৎসংক্রান্ত যাবতীয় কার্যসম্পাদন।

৬.১০.২ কমিটি প্রয়োজনবোধে সদস্য কো-অপ্ট করতে পারবে।



৬.১১ পৌরসভা কমিটি: (জ্যেষ্ঠতার ক্রমানুসারে নয়)

১.	মেয়র, পৌরসভা/প্রশাসক	-সভাপতি
২.	মেডিকেল অফিসার (উপজেলা স্বাস্থ্য ও পরিবার পরিকল্পনা কর্তৃক মনোনীত)	-সদস্য
৩.	থানার অফিসার ইন চার্জ	-সদস্য
৪.	এস.এম.সি-র সভাপতি (সকল প্রাথমিক বিদ্যালয়)	-সদস্য
৫.	প্রধান শিক্ষক (সকল প্রাথমিক বিদ্যালয়)	-সদস্য
৬.	কাব শিক্ষক ০১ (এক) জন (উপজেলা শিক্ষা অফিসার কর্তৃক মনোনীত)	-সদস্য
৭.	কমান্ডার, পৌরসভা মুক্তিযোদ্ধা কমান্ড কাউন্সিল	-সদস্য
৮.	ক্রীড়া শিক্ষক ১ (এক) জন (উপজেলা নির্বাহী অফিসার কর্তৃক মনোনীত)	-সদস্য
৯.	ক্রীড়ানুরাগী ২ (দুই) জন (উপজেলা নির্বাহী অফিসার কর্তৃক মনোনীত)	-সদস্য
১০.	সহকারী উপজেলা প্রাথমিক শিক্ষা কর্মকর্তা (উপজেলা প্রাথমিক শিক্ষা অফিসার কর্তৃক মনোনীত)	- সদস্য সচিব

৬.১২ পৌরসভা কমিটির কার্যপরিধি:

৬.১২.১ পৌরসভা পর্যায়ের সকল খেলা সুষ্ঠুভাবে আয়োজন ও পরিচালনা করা এবং এতৎসংক্রান্ত যাবতীয় কার্যসম্পাদন;

৬.১২.২ কমিটি প্রয়োজনবোধে সদস্য কো-অপ্ট করতে পারবে।

৬.১৩ ইউনিয়ন কমিটি: (জ্যেষ্ঠতার ক্রমানুসারে নয়)

১.	ইউনিয়ন পরিষদ চেয়ারম্যান	-সভাপতি
২.	ইউনিয়ন পরিষদের সদস্য (সকল)	-সদস্য
৩.	কমান্ডার, ইউনিয়ন মুক্তিযোদ্ধা কমান্ড কাউন্সিল	-সদস্য
৪.	ইউনিয়ন ভূমি সহকারী কর্মকর্তা	-সদস্য
৫.	উপ সহকারী কৃষি কর্মকর্তা	-সদস্য
৬.	স্বাস্থ্য পরিদর্শক	-সদস্য
৭.	এস.এম.সি-র সভাপতি (সকল প্রাথমিক বিদ্যালয়)	-সদস্য
৮.	প্রধান শিক্ষক (সকল প্রাথমিক বিদ্যালয়)	-সদস্য
৯.	কাব শিক্ষক ০১ (এক) জন (উপজেলা শিক্ষা অফিসার কর্তৃক মনোনীত)	-সদস্য
১০.	ক্রীড়া শিক্ষক ০১ (এক) জন (উপজেলা নির্বাহী অফিসার কর্তৃক মনোনীত)	-সদস্য
১১.	ক্রীড়ানুরাগী ০২ (দুই) জন (উপজেলা নির্বাহী অফিসার কর্তৃক মনোনীত)	-সদস্য
১২.	সহকারী উপজেলা প্রাথমিক শিক্ষা কর্মকর্তা (উপজেলা প্রাথমিক শিক্ষা অফিসার কর্তৃক মনোনীত)	- সদস্য সচিব

৬.১৪ ইউনিয়ন কমিটির কার্যপরিধি:

৬.১৪.১ ইউনিয়ন পর্যায়ের সকল খেলা সুষ্ঠুভাবে আয়োজন ও পরিচালনা করা এবং এতৎসংক্রান্ত যাবতীয় কার্যসম্পাদন;

৬.১৪.২ কমিটি প্রয়োজনবোধে সদস্য কো-অপ্ট করতে পারবে।

৭. **খেলার নিয়ম-কানুন:** এ প্রতিযোগিতার সকল খেলা প্রণীত নীতিমালা ও টুর্নামেন্ট কমিটির সিদ্ধান্ত অনুযায়ী নক্ আউট পদ্ধতিতে পরিচালিত হবে। খেলা পরিচালনায় এ নীতিমালার আওতায় সমাধানযোগ্য নয় এমন কোনো সমস্যা বা জটিলতা দেখা দিলে তা ফিফা ও বাফুফের বিধি ও উপবিধি অনুসারে নিষ্পত্তি করতে হবে।

৮. দল গঠন :

৮.১ প্রতিটি প্রাথমিক বিদ্যালয়ে নিয়মিত অধ্যয়নরত ছাত্র/ছাত্রীদের মধ্য থেকে ১৭ জন খেলোয়াড় ও ০২ (দুই) জন কর্মকর্তা (ম্যানেজার ও প্রশিক্ষক) নিয়ে দল গঠিত হবে;

৮.২ সংশ্লিষ্ট কমিটি দলের ম্যানেজার ও প্রশিক্ষক-কে মনোনীত করবে। এক্ষেত্রে শিক্ষকদেরকে অগ্রাধিকার দেয়া যেতে পারে;

৮.৩ যে শিক্ষাবর্ষে খেলা শুরু হবে সেই শিক্ষাবর্ষে অর্থাৎ ৩১ ডিসেম্বর খেলোয়াড়দের বয়স হবে সর্বোচ্চ ১২ (বারো) বছর;

৮.৪ উচ্চতা মেয়েদের ক্ষেত্রে ৪ ফুট ৯ ইঞ্চি (চার ফুট, নয় ইঞ্চি) এবং ছেলেদের ক্ষেত্রে ৫ (পাঁচ) ফুট। টুর্নামেন্টের সকল পর্যায়ের খেলায় নির্ধারিত উচ্চতা অনুসরণ করতে হবে;

- ৮.৫ খেলোয়াড় নির্বাচনের ক্ষেত্রে কোনো রকম অনিয়ম প্রমাণিত হলে সংশ্লিষ্ট বিদ্যালয়ের প্রধান শিক্ষক ও সংশ্লিষ্ট ক্লাস্টারের উপজেলা/থানা সহ: প্রাথমিক শিক্ষা অফিসার ব্যক্তিগতভাবে দায়ী থাকবেন এবং তাঁদের বিরুদ্ধে বিভাগীয় ব্যবস্থা গ্রহণ করা হবে;
- ৮.৬ উপজেলা পর্যায়ে থেকে যে দল জেলা পর্যায়ে যাবে সে দলের খেলোয়াড়দের ছবি ও জন্মসনদসহ বয়স সংশ্লিষ্ট উপজেলা নির্বাহী অফিসার, উপজেলা স্বাস্থ্য ও পরিবার পরিকল্পনা কর্মকর্তা এবং উপজেলা শিক্ষা অফিসার প্রত্যয়ন করবেন;
- ৮.৭ জেলা পর্যায়ে থেকে যে দল বিভাগীয় পর্যায়ে যাবে সে দলের খেলোয়াড়দের ছবি ও জন্ম সনদসহ বয়স সংশ্লিষ্ট জেলা প্রশাসক, জেলা সিভিল সার্জন এবং জেলা প্রাথমিক শিক্ষা অফিসার প্রত্যয়ন করবেন;
- ৮.৮ গোলরক্ষকসহ মোট ১১ জন খেলবে।

৯. খেলার মাঠে প্রবেশ:

- ৯.১ ১৭ (সতের) জন খেলোয়াড়, ০২ (দুই) জন কর্মকর্তা এবং ০২ (দুই) জন সহকারী মাঠে প্রবেশ করতে পারবে;
- ৯.২ খেলার সময় অতিরিক্ত ৬ জন খেলোয়াড়, কর্মকর্তা ও সহকারীগণ তাদের জন্য নির্ধারিত স্থানে অবস্থান করবেন;
- ৯.৩ খেলোয়াড় আহত হলে রেফারীর অনুমতি সাপেক্ষে সর্বমোট ০২ (দুই) জন সাহায্যকারী মাঠে প্রবেশ করতে পারবে।

১০. খেলোয়াড়দের তালিকা:

- ১০.১ খেলার নির্ধারিত তারিখের ৭ (সাত) দিন পূর্বে প্রধান শিক্ষক টুর্নামেন্ট কমিটির নিকট খেলোয়াড়দের ০২ (দুই) কপি তালিকা প্রদান করবেন;
- ১০.২ খেলা শুরুর ১ (এক) ঘন্টা পূর্বেই টুর্নামেন্ট কমিটি রেফারীর নিকট খেলোয়াড়দের ০১ (এক) কপি তালিকা প্রদান করবে;
- ১০.৩ অংশগ্রহণকারী খেলোয়াড়গণ বুট ব্যবহার করতে পারবে না।

১১. জার্সির রং:

- ১১.১ যদি কোনো দলের জার্সির রং বিপক্ষ দলের জার্সির রঙের সংগে প্রায় মিলে যায় যা রেফারীর খেলা পরিচালনায় সমস্যা হতে পারে, সে ক্ষেত্রে টেসের মাধ্যমে জার্সি পরিবর্তন করা যাবে;
- ১১.২ কোনো খেলোয়াড় খেলা চলাকালীন সময়ে তার দল কর্তৃক প্রদত্ত নির্ধারিত জার্সি (জার্সি নম্বর অপরিবর্তিত রেখে) পরিবর্তন করতে পারবে।

১২. খেলোয়াড় বদল:

প্রতিটি খেলায় তালিকাভুক্ত খেলোয়াড় হতে রেফারীর অনুমতি সাপেক্ষে যে কোনো ৪ (চার) জন খেলোয়াড় পরিবর্তন করা যাবে।

১৩. খেলার সময় নির্ধারণ:

খেলা মোট ৫০ মিনিট পরিচালিত হবে। প্রথমার্ধের ২৫ মিনিট পর ১০ মিনিট বিরতি থাকবে। নির্ধারিত সময়ে যদি খেলা অমিমাংসীত থাকে তাহলে নির্ধারিত সময়ের পর ৫+৫ = ১০ মিনিট অতিরিক্ত সময় খেলতে হবে। অতিরিক্ত সময়ে ফলাফল নির্ধারিত না হলে পেনাল্টি কিংকর (টাই ব্রেকার) মাধ্যমে খেলার ফলাফল নির্ধারণ করা হবে। অতিরিক্ত সময়ে খেলা চলাকালীন কোনো বিরতি থাকবে না।

১৪. খেলা পরিচালনার জন্য রেফারী নিয়োগ:

- ১৪.১ ইউনিয়ন ও উপজেলা/থানা পর্যায়ে টুর্নামেন্ট কমিটি খেলা পরিচালনার জন্য রেফারী নিয়োগ করবে;
- ১৪.২ জেলা, বিভাগ ও জাতীয় পর্যায়ের খেলাসমূহ পরিচালনার জন্য টুর্নামেন্ট কমিটি বাফুফের তালিকাভুক্ত রেফারী নিয়োগ করবে;
- ১৪.৩ প্রতিযোগিতা চলাকালীন সময়ে মাঠে রেফারীর সিদ্ধান্তই চূড়ান্ত বলে বিবেচিত হবে;
- ১৪.৪ জেলা/বিভাগ ও জাতীয় পর্যায়ে নিয়োজিত রেফারীদের যাতায়াত, খাবার ও অন্যান্য সম্মানী ভাতা নির্ধারিত হারে টুর্নামেন্ট কমিটি বহন করবে।

১৫. টুর্নামেন্ট ফিচার:

- ১৫.১ টুর্নামেন্ট কমিটি যুক্তিযুক্ত সময়ের মধ্যে প্রতিযোগিতার সময়সূচি/ফিচার প্রণয়ন করবে;
- ১৫.২ নির্ধারিত খেলার সময়সূচি/ ফিচার অনুযায়ী প্রতিযোগিতা অনুষ্ঠিত হবে। তবে টুর্নামেন্ট কমিটি প্রাকৃতিক দুর্ভোগ কিংবা বিশেষ কারণে খেলার তারিখ ও সময় পরিবর্তন করতে পারবে।



১৬. খেলার স্থান, তারিখ ও সময়:

খেলার স্থান (মাঠ), তারিখ ও সময় টুর্নামেন্ট কমিটি নির্ধারণ করবে।

১৭. ভাতা:

জেলা, বিভাগ ও জাতীয় পর্যায়ে অংশগ্রহণকারী দলসমূহকে টুর্নামেন্ট কমিটি কর্তৃক প্রতি খেলার জন্য দূরত্ব বিবেচনায় নির্ধারিত হারে এককালীন অনুদান প্রদান করা হবে। খেলা চলাকালীন কোনো দল খেলায় বিরত থাকলে উক্ত দল কোনো টিএ/ডিএ প্রাপ্য হবে না।

১৮. অংশগ্রহণের ব্যর্থতা:

১৮.১ কোনো দল খেলা শুরু হওয়ার নির্দিষ্ট সময়ের মধ্যে মাঠে উপস্থিত না থাকলে রেফারী ১৫ মিনিট অপেক্ষা করে উপস্থিত দলকে বিজয়ী ঘোষণা করবেন।

১৮.২ কোনো দল নির্ধারিত তারিখ ও সময়ে ইচ্ছাকৃতভাবে খেলায় অংশগ্রহণ না করলে উক্ত বিদ্যালয় দলের ক্ষেত্রে শিক্ষকগণ এবং ইউনিয়ন ও পৌরসভা এবং উপজেলা/থানা দলের ক্ষেত্রে সংশ্লিষ্ট কমিটি দায়ী থাকবে।

১৯. চূড়ান্ত খেলায় স্থান নির্ধারণ:

প্রতিযোগিতার কোনো পর্যায়ে কোনো অবস্থাতেই চূড়ান্ত খেলায় যুগ্ম-চ্যাম্পিয়নশীপ থাকবে না। নির্ধারিত ও অতিরিক্ত সময়ের খেলা অমিমাংসিত থাকলে সেক্ষেত্রে টাইব্রেকার এর মাধ্যমে বিজয়ী নির্ধারণ করা হবে।

২০. **শৃংখলা উপ-কমিটি:** প্রত্যেক পর্যায়ে টুর্নামেন্ট কমিটি ০৩ (তিন) সদস্য বিশিষ্ট একটি শৃংখলা উপ-কমিটি গঠন করবে। শৃংখলা উপ-কমিটি খেলোয়াড়/কর্মকর্তা/দল ও রেফারীদের ভূমিকা/আচরণ পর্যবেক্ষণ করবে এবং নিম্নরূপ ব্যবস্থা গ্রহণ করবে:

২০.১ খেলা নিয়মিত পর্যবেক্ষণ এবং সংগঠিত অপরাধের বিষয়ে নীতিমালার অনুচ্ছেদ ৩২ অনুযায়ী ব্যবস্থা গ্রহণ;

২০.২ খেলা শেষ হওয়ার পর প্রয়োজনে ৬ (ছয়) ঘন্টার মধ্যে নিয়ম লংঘনকারীর বিরুদ্ধে গ্রহণ করবে;

২০.৩ খেলা নিয়মিত পর্যবেক্ষণ এবং সংগঠিত অপরাধের বিষয়ে নীতিমালার অনুচ্ছেদ ৩২ অনুযায়ী ব্যবস্থা গ্রহণ;

২০.৪ খেলা শেষ হওয়ার পর প্রয়োজনে ৬ (ছয়) ঘন্টার মধ্যে নিয়ম লংঘনকারীর বিরুদ্ধে প্রয়োজনীয় ব্যবস্থা গ্রহণ করবে;

২০.৫ উপ-কমিটি কোনো খেলোয়াড়কে টুর্নামেন্ট চলাকালীন সময় পর্যন্ত খেলা থেকে বিরত রাখতে পারবে। যদি উপ-কমিটি এ ব্যাপারে অধিকতর শাস্তির ব্যবস্থা গ্রহণের প্রয়োজন মনে করে তাহলে টুর্নামেন্ট কমিটির নিকট সুপারিশ প্রেরণ করবে।

২১. অভিযোগ/আপত্তি:

খেলা প্রসঙ্গে অভিযোগ/ আপত্তি থাকলে খেলা শেষ হওয়ার ১ (এক) ঘন্টার মধ্যে ৫০০/- (পাঁচশত) টাকা অফেরতযোগ্য ফিসহ প্রতিযোগিতার টুর্নামেন্ট শৃংখলা উপ-কমিটির সভাপতি অথবা সদস্য-সচিব বরাবরে লিখিত অভিযোগ/আপত্তি দাখিল করতে হবে। এক্ষেত্রে শৃংখলা উপকমিটি সিদ্ধান্ত নিবে।

২২. আপীল:

শৃংখলা উপ-কমিটির সিদ্ধান্তের বিষয়ে কোনো আপত্তি/আপীল থাকলে লিখিতভাবে সংশ্লিষ্ট টুর্নামেন্ট কমিটির কাছে ১২ (বার) ঘন্টার মধ্যে দাখিল করতে হবে। টুর্নামেন্ট কমিটি ১২ ঘন্টার মধ্যে আপত্তি/আপীল বিষয়ে সিদ্ধান্ত দিবে। এ বিষয়ে টুর্নামেন্ট কমিটির সিদ্ধান্ত চূড়ান্ত বলে গণ্য হবে।

২৩. ম্যাচ কমিশনার:

প্রত্যেক খেলায় একজন ম্যাচ কমিশনার নিয়োজিত থাকবেন। টুর্নামেন্ট কমিটি ফুটবল খেলায় অভিজ্ঞ ব্যক্তিকে ম্যাচ কমিশনার নিয়োগ করবে। তিনি নিম্নলিখিত দায়িত্বসমূহ পালন করবেন:

২৩.১ খেলার সময় মাঠে খেলোয়াড়, কোচ, রেফারী, সমর্থক, কর্মকর্তাদের আচরণ পর্যবেক্ষণ;

২৩.২ বিভিন্ন তথ্য ও সমস্যা সুপারিশসহ নির্ধারিত ফরমে খেলা সংক্রান্ত প্রতিবেদন টুর্নামেন্ট-এর সদস্য সচিবের নিকট প্রেরণ করবেন।

২৪. পাতানো খেলা:

কোনো দল পাতানো খেলায় অংশগ্রহণ করলে এবং তা শৃংখলা উপ-কমিটি কর্তৃক সনাক্ত হলে টুর্নামেন্ট কমিটি ঐ দল/দলসমূহকে ০২ (দুই) বছরের জন্য এ টুর্নামেন্টের সকল খেলা থেকে বহিস্কার করতে পারবে।

২৫. টুর্নামেন্ট এর পুরস্কার:

- ২৫.১ জাতীয় পর্যায়ে চূড়ান্ত খেলার বিজয়ী (চ্যাম্পিয়ান), বিজিত (রানার আপ) ও তৃতীয় স্থান অর্জনকারী দলকে যথাক্রমে গোল্ডকাপ, সিলভার কাপ ও ব্রোঞ্জ কাপ প্রদান করা হবে;
- ২৫.২ টুর্নামেন্ট কমিটি প্রতিটি পর্যায়ে চ্যাম্পিয়ন ও রানার আপ দলকে স্থানীয়ভাবে ক্রেস্ট, মেডেল প্রদান করতে পারবে;
- ২৫.৩ চ্যাম্পিয়ন, রানার আপ দলকে ও তৃতীয় স্থান অর্জনকারী দলের সকল খেলোয়াড়কে মেডেল দেয়া হবে;
- ২৫.৪ শ্রেষ্ঠ খেলোয়াড় এবং সর্বোচ্চ গোলদাতাকেও মেডেল দেয়া হবে।

২৬. টুর্নামেন্ট এর কাপ:

- ২৬.১ জাতীয়ভাবে চ্যাম্পিয়ন দলকে খেলার শেষে গোল্ডেন কাপ হাতে দেয়া হবে। অতঃপর গোল্ডেন কাপ ফেরত নিয়ে কাপ-এর রেপ্লিকা প্রদান করা হবে;
- ২৬.২ রানার আপ দলকে সিলভার কাপ-এর রেপ্লিকা প্রদান করা হবে;
- ২৬.৩ তৃতীয় স্থান অর্জনকারী দলকে ব্রোঞ্জ কাপ-এর রেপ্লিকা প্রদান করা হবে;
- ২৬.৪ তিনটি দলকে আর্থিক পুরস্কারও দেয়া যেতে পারে;
- ২৬.৫ কোনো দল পরপর তিনবার চ্যাম্পিয়ন/রানার আপ হলে যথাক্রমে গোল্ডকাপ ও সিলভার কাপ প্রদান।

২৭. খেলা স্থগিত/পরিত্যক্ত:

প্রাকৃতিক দুর্যোগ/প্রতিকূল আবহাওয়া/অভিবৃষ্টি/দুর্ঘটনা/মাঠের বাহিরে বা ভিতরে গোলযোগের কারণে খেলা না হলে রেফারী ৩০ (ত্রিশ) মিনিট পর্যন্ত সাময়িকভাবে খেলা বন্ধ রাখতে পারবেন। এর পরও যদি খেলা পরিচালনা করা সম্ভব না হয় তবে রেফারী শেষ বাঁশি বাজিয়ে খেলা স্থগিত/পরিত্যক্ত ঘোষণা করবেন যা পরবর্তী দিবসের নির্ধারিত খেলার আগেই টুর্নামেন্ট কমিটি কর্তৃক নির্ধারিত তারিখ ও সময়ে অনুষ্ঠিত হবে। এ ব্যাপারে উভয় দলকে ঐদিন (বাতিলকৃত খেলার দিন) জানিয়ে দেয়া হবে;

- ২৭.১ যদি কোনো দল নির্ধারিত খেলায় অংশগ্রহণে বিরত থাকে তাহলে সে দল প্রতিযোগিতা হতে সরাসরি বাতিল হয়ে যাবে। এরপক্ষেত্রে প্রতিপক্ষ দলকে বিজয়ী ঘোষণা করা হবে;
- ২৭.২ যদি কোনো দল পূর্ণ সময় পর্যন্ত খেলতে অসম্মতি জ্ঞাপন করে এবং খেলা শেষ হওয়ার পূর্বে খেলার মাঠ পরিত্যাগ করে অথবা মাঠে অবস্থান করে রেফারীর আদেশ অমান্য করে, খেলায় অংশগ্রহণ করা হতে বিরত থাকে বা খেলা পরিচালনার ক্ষেত্রে বাধা সৃষ্টি করে তাহলে সে দলকে টুর্নামেন্ট হতে বহিষ্কার করা হবে। পাশাপাশি অপর দলকে বিজয়ী ঘোষণা করা হবে;
- ২৩.৩ কোনো দল পূর্ণ সময় পর্যন্ত খেলতে অসম্মতি জ্ঞাপন করলে টিএ/ডিএ সহ কোনো আর্থিক সুবিধা পাবে না।

২৮. তহবিল ও হিসাব:

প্রাথমিক বিদ্যালয় গোল্ডকাপ ফুটবল টুর্নামেন্ট তহবিল নামে কেন্দ্রীয়ভাবে একটি তহবিল গঠিত হবে। সরকারী/বেসরকারী অনুদানের মাধ্যমে এ তহবিল গঠিত হবে এবং টুর্নামেন্টের কাজে এ তহবিল ব্যয় করা যাবে। স্টিয়ারিং কমিটি কর্তৃক নির্ধারিত পদ্ধতি ও নিয়মে তহবিলের একটি ব্যয় হিসাব থাকবে এবং তা পরিচালিত হবে।

২৯. বিবিধ: টুর্নামেন্ট কমিটি নিম্নলিখিত বিষয়ে ব্যবস্থা গ্রহণ করবে:

- ২৯.১ শিশুদের উপযোগী বল এর ব্যবস্থা করণ, এক্ষেত্রে বলের সাইজ ৪ নম্বর অথবা ডি.আর সাইজ ৫ নম্বর হবে;
- ২৯.২ প্রতিযোগিতার মাঠে ৪-৫ টা বল সরবরাহকরণ;
- ২৯.৩ গোলবারের পিছনে অবশ্যই নেট স্থাপন।

৩০. পৃষ্ঠপোষকতা:

টুর্নামেন্ট কমিটি সমূহ নিজ নিজ অধিক্ষেত্রে খেলা পরিচালনায় পৃষ্ঠপোষকতা ও আর্থিক অনুদান সংগ্রহ করতে পারবে।

৩১. সংশোধন:

টুর্নামেন্ট সূষ্ঠভাবে পরিচালনার জন্য প্রয়োজনবোধে জাতীয় টুর্নামেন্ট কমিটি এ নীতিমালার সঙ্গে সংগতি রেখে যেকোনো নিয়ম/কানুন সংশোধন/সংযোজন/পরিবর্তন/পরিবর্ধন করতে পারবে।

৩২. শৃংখলা সম্পর্কীয় অপরাধ ও শাস্তি: নিম্নলিখিত অপরাধের জন্য শৃংখলা উপকমিটি কর্তৃক নিম্নরূপ শাস্তি প্রদান করা যাবে:

ক্রমিক	অপরাধ	শাস্তি
১	কোনো খেলার যদি কোনো খেলোয়াড়কে রেফারী কর্তৃক লাল কার্ড প্রদর্শিত হয় বা কোনো খেলায় দ্বিতীয় বার হলুদ কার্ডের পরিবর্তে লাল কার্ড প্রদর্শিত হয়	খেলোয়াড় ঐ খেলা থেকে বহিষ্কৃত হবে এবং পরবর্তী ১টি খেলায় অংশগ্রহণ করতে পারবে না। টুর্নামেন্ট কমিটি অপরাধের গুরুত্ব বিবেচনা করে তাকে আরও অধিক খেলায় অংশগ্রহণ হতে বিরত রাখতে পারবে।
২	কোনো খেলোয়াড় মাঠের ভিতরে বা বাইরেখেলার পূর্বে, খেলা চলাকালীন সময়ে বা খেলার পরে যদি বেফারীকে বা সহকারী রেফারীকে শারীরিকভাবে লাঞ্চিত বা আঘাত করে।	খেলোয়াড়কে টুর্নামেন্ট হতে বহিষ্কার করা হবে।
৩	মাঠে কোনো খেলোয়াড় প্রতিপক্ষের কোনো খেলোয়াড়কে খেলা চলাকালীন বা খেলার পরে যদি শারীরিকভাবে আঘাত করে।	খেলোয়াড় পরবর্তী দুই খেলায় অংশগ্রহণ হতে বিরত থাকবে।
৪	কোনো খেলোয়াড় মাঠে অথবা মাঠের বাইরে কর্মকর্তার সাথে অশোভন আচরণ করে অথবা অভদ্র/অশ্লীল ভাষা ব্যবহার করে।	খেলোয়াড় পরবর্তী দুই খেলায় অংশগ্রহণ হতে বিরত থাকবে।
৫	কোনো খেলোয়াড় যে কোনো অপরাধের জন্য খেলা হতে বিরত থাকার শাস্তি ভোগের পর একই অপরাধের পুনরাবৃত্তি করলে।	খেলোয়াড় টুর্নামেন্ট এর খেলাসমূহে অংশগ্রহণ হতে বিরত থাকবে।

৩৩. কার্যকর ও রহিতকরণ:

৩৩.১ এ নীতিমালা জারির তারিখ থেকে সকল পর্যায়ে কার্যকর হবে। এ নীতিমালা প্রাথমিক বিদ্যালয় গোল্ডকাপ ফুটবল টুর্নামেন্ট (বালক ও বালিকা) এর সকল পর্যায়ের খেলায় প্রযোজ্য হবে। এবং এ নীতিমালা জারির পূর্বে জারিকৃত এতদসংক্রান্ত সংক্রান্ত সকল নীতিমালা/নির্দেশিকা রহিত বলে গণ্য হবে;

৩৩.২ জারিকৃত নীতিমালার কোন অংশ/অনুচ্ছেদ এর বিষয়ে অস্পষ্টতা থাকলে বা কোনো ব্যাখ্যার প্রয়োজন হলে প্রাথমিক ও গণশিক্ষা মন্ত্রণালয় তা স্পষ্টীকরণ করবে।

৩৪. নীতিমালার রহিতকরণ এবং হেফাজত:


এ নীতিমালা জারির পূর্বে জারিকৃত নীতিমালা/নির্দেশিকাসমূহের আওতায় প্রদেয় সকল বৈধতা যথারীতি বজায় থাকবে।


২২/৬/২০২১


শাহ মো: মামুন অর রশীদ
সহকারী শিক্ষা অফিসার (সাধা: প্রশা:)
প্রাথমিক শিক্ষা অধিদপ্তর


২২/৬/২১

মোঃ সাজ্জাদ হোসেন
সহকারী পরিচালক (সা. প্রশাসন)
প্রাথমিক শিক্ষা অধিদপ্তর


২২/৬/২১

এ.এস.এম. সিরাজুদ্দোহা
উপপরিচালক (সংস্থাপন)
প্রাথমিক শিক্ষা অধিদপ্তর
মিরপুর-২, ঢাকা-১২১৬


২২/৬/২১

মোঃ মাসুদ হোসেন
যুগ্মসচিব
পরিচালক (প্রশাসন)
প্রাথমিক শিক্ষা অধিদপ্তর